

Entrega dos premios Aosta no xantar do Consello Regulador

O premio especial Cervim foi para a adega Regina Viarum

Redacción
Monforte

A pasada semana entregáronse os premios da XVII edición do Certame Internacional de Viños de Montaña de Aosta. A entrega de premios coincidiu, como en anos anteriores, co xantar que todos os anos organiza polo Nadal o Consello Regulador da Denominación de

■ **Máis de 120 asistentes acudiron ó xantar de Nadal que organiza tódolos anos o Consello Regulador**

Orixe Ribeira Sacra. Antes da entrega de premios, o Presidente do Consello Regulador, José Manuel Rodríguez, agradeceu a presenza dos máis de 120 asistentes e manifestou o seu desexo de volver a reunirse o vindeiro ano para celebrar tantos éxitos como os colleitados pola denominación de orixe nos últimos anos.

Premiados

Na categoría de brancos (mención de honra): Almalarga 2008 da adega Pena das Donas S.L., subzona de Ribeiras do Miño e Viña Vella Diomondi da adega S.A.T. Virxen dos Remedios, subzona de Ribeiras do Miño. Na categoría de tintos: a adega Don Ramón S.L. polo viño Don Ramón, subzona de Quiroga-Bibeí (gran medalla de ouro) e a adega de Ramón Marcos Fernández polo viño Cruceiro, subzona de Amandí (medalla de ouro). Nesta categoría tiveron mención de honra: Porvide da adega Manuel Mondelo Rodríguez (subzona Quiroga-Bibeí), Pradio da adega Javier Seoane No-



Arriba, tres momentos do xantar organizado polo Consello Regulador. EC

velle (subzona de Chantada), San Mamed da adega de Rosa María Pumar (subzona Quiroga-Bibeí), Val do Frade da adega S.A.T. Os Ermitaños (subzona Quiroga-Bibeí), Viña Regueiral da adega de José Rodríguez Prieto (subzona de Amandí) e Viña Vella Diomondi da

adea S.A.T. Virxen dos Remedios (subzona de Ribeiras do Miño). Na categoría de viños tintos producidos no 2007 e 2006 obtiveron mención de honra Don Ramón 2007 da adega Don Ramón S.L. (subzona Quiroga-Bibeí). O palmarés da Denominación de Orixe Ribeira

Sacra, este ano en Aosta, completase co Premio Especial Cervim 2009 para Regina Viarum S.L. (subzona de Amandí). Este recoñecemento outórgase a unha adega por país e é o resultado da suma das puntuacións obtidas polos distintos viños que presente cada adega.